

讚
數

和
書
類

庫 文 閣 內			
三 函	三 九 七	漢	
一 四	一 四	書	
架	冊	號	類

庫 文 閣 內			
二 七 函	三 八 五 〇 五	和	
二 架	一 四	書	
冊	冊	號	類

十
四
終

內 閣 文 庫	
番 號	和 38505
冊 數	14 (14)
函 號	207 103

0 1 2 3 4 5 6 7 8 9

A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





讀教卷之十四

植物部

嘉榮

淺草文庫

郭璞

霆維天精動心駭目曷以禦之嘉榮是服所正者神

用口腸腹

百名家全集

莖草

莖草黃華實如菟絲君子是佩人服媚之帝女所化
其理難思

荀草

荀草亦實厥狀如菅婦人服之練色易顏夏姬是豔

厥媚三遷

茵草

茵草赤莖實如蓴蓴食之益智忽不自覺殆齊生知功奇於學

若華烏酸草

療瘡之草厥實如瓜烏酸之葉三成黃華可以為毒不畏蛇

欵冬

吹萬不同陽煦陰蒸欵冬之生擢穎堅冰物體所安焉知渙凝藝文類聚

芙蓉

芙蓉麗草一日淦芝泛葉雲布映波緞熙伯陽是食饗比靈期

麻

草皮之良莫貴於麻用無不給服無不加至物在通求之好遐

蘼蕪

蘼蕪善草亂之蛇牀不隕其實自別以芳俾人似智巧言如簧

荈茗

車前之草別名若苜王會之云其實如李名之相乱
在乎疑似

萍

萍之在水猶卉植地靡見其布漠爾鱗被物無常託
孰知所寄

卷施

卷施之草投心不死屈平嘉之諷詠以比取類雖通
興有遠旨

鬼草

焉得鬼草是樹是藝服之不憂樂天儀世如波滾舟

任波流滯 佩文韻府

蕨

大塊之山爰有草草青華白實食之無夭雖不增齡
可以窮老

白蓉

白蓉畢蘇其汁如飴食之辟穀味有餘滋逍遙忘勞

勞生盡期 百家全集

迷穀

爰有奇樹產自招搖厥華流光上映垂霄佩之不惑
潛有靈標

沙棠

安得沙棠制為龍舟汎彼滄海眇然遐遊聊以逍遙
任波去留

木禾

崑崙之陽鴻鷺之阿爰有嘉穀號曰木禾匪植匪藝
自然靈播

鷄鳥沙棠實蒼草

司帝百服其鳥名鷄沙棠之實惟杲是珍爰有奇菜
厥號曰蒼

菁容草邊谿獸標鳥

有華無實菁容之樹邊谿類狗皮厭妖蠱黑文赤翁
鳥愈隱痔

清暑殿薨嘉禾

宋孝武帝

維段奧周有穗表禎祥乎合矣超瑞高薨非原非澤
乃瑞乃靈庶藉天貺廣茲化清

藝文類聚

芭蕉

謝靈運

生分本多端芭蕉知不一會萼不結核敷華何由實
至人善取譬無宰誰能律莫昵緣合時當視分散日

唐類函

甘蔗

卞敬宗

扶疏似樹質則非木高舒並蔭異秀延矚厥實唯甘
味之無足

懷香

有卉惟翠因實制名濛、綠葉荏、弱莖寄芬微風
寓秀閑庭懷而芳之為翫干情

庭前植稻苗

湛方生

藉々嘉苗離、階側弱葉繁蔚圓朱踈植清流津根
輕露濯色 藝文類聚

蜀葵

顏延之

井維降精崕絡升靈物微氣麗卉草之英渝豔象葩

冠冕群英類麻能直方葵不傾

黃連

土微

黃連苦味左右相因折涼滌暑圍命輕身縉雲昔御

飛蹕上旻不行而至吾聞其人

唐類函

茯苓

皓苓下居披紛上層中秋雞鳧具容龜蔡神侔少司
保延幼艾終志不移柔紅可佩

神芝

撰人闕

帝德允臻廚不難致煌々神芝吐葩揚榮曩披其圖
今握其形永章遐紀載之頌聲

僊人草

謝惠連

曄々燁々莫々臻々穎發炎暑苗秀和春奇爾靈質
乃植中鄰 藝文類聚

何首烏

陳元靚

神效助道者在仙書雌雄相交夜合晝踈服之去穀
日居月諸返老還少保安病軀 事林廣記

艾

孔璠之

論藹靈艾蔚彼脩坂混區群卉理深用遠 藝文類聚

蓮花

江總

池中寶花葉覆金沙逆風氣亂映水光斜散由天女

賣乃王家若生心樹願結因牙

芝

黃庭堅

不生甘泉銅池震一莖九葉媚神天伴余西去禦魑
魅馬湖江上着蠻船 山谷別集

綠菜

蔡蒙之下彼江一曲有茹生之可以為蕪蛙蟻之衣
采采盈掬吉蠲洗澤不溷沙礫芼以辛鹹宜酒宜餼
在吳則紫在蜀則綠其臭味同遠故不錄誰具祭之
班我旨蓄維女博士史君炎王

石菖蒲

蘇軾

清且此惟石與水託於一器養非其地瘠而不死夫孰知其理不如此何以輔五藏而堅髮齒

東坡文集

醉筆戲作生菜贊 楊萬里

粹乎蔬則已瘠粹乎肉則已腴腴而不腴蔬芼肉也瘠而不瘠肉膏蔬也孰使乎最雲子之諫拓歡伯之騷者不在茲乎不在茲乎

楊誠齋集

嘉瓜 明高皇帝

上蒼鑒臨地祗符同知我良民朝夕勤農天氣下降地氣上升黃泉沃壤相合成形同蒂雙產出自句容民不自食炙皆來庭青雲顏采有若翠瓊剖而飲煨

過楚食萍民心孝順朕何有能拙述數句表民來誠願爾世之家和戶寧有志子孫封侯列公雖千萬世休忘勸農

御製文集

菊 撰人闕

菊名日精布華玄月仙容薄采何憂華髮

唐類函

墨鞠 宋濂

我本中黃鍊為肺腸精神外章不自知欣貌之黝歟綠竹倚白石嗟々負而非阿斯為月下之友歟萬色齊冥洞容物精雖暗而明豈陶令沈昏而托之酒

歟 宋學士文集

梧桐

郭璞

桐寔嘉木鳳凰所栖爰伐琴瑟八音克諧歌以永言
噫々喑々藝文類聚

孤桐

宋孝武帝

珍無隱德產有必甄資此孤幹獻枝楚山梢星雲界
衍葉炎厯名列貢寶器贊虞絃唐類函

桂

郭璞

桂生南裔拔萃岑嶺廣莫熙葩凌霜津穎氣五百藥
森然雲挺佩文韻府

帝女桑

爰有洪桑生濱淪潭厥圍五丈枝相交參園客是採
帝女所蠶藝文類聚

椒

椒之灌植實繁有榛薰林列薄醇具芬辛服之不已
洞見通神

若木

若木之生昆山是濱朱華電照碧葉玉津食之靈智
為力為仁

不死樹

萬物暫見人生如寄不死之樹壽蔽天地請藥西母

為得如翠

薊柏

薊柏白華厥子如丹實肥變氣食之忘寒物隨所染
墨子所歎 佩文韻府

甘水聖木

醴泉膚木養齡盡性增氣之和祛神之冥何必生知
然後為聖 藝文類聚

棗

建國辨方外朝九棘因材制義赤心鯁直藹々卿士
亮此哀職 初學記

柚

厥苞橘柚精著曰甘實深繁霜葉鮮翠藍屈生嘉歎
以為美談 藝文類聚

桃林

桃林之古實惟塞野武王克商休牛風馬阨越三塗
作嶮西夏 百家家全集

芭木

馬惟剛駿塗之芭汁不勞孫陽自然閑習 佩文韻府

丹木

爰有丹木生彼渚盤厥實如瓜其味日酸蠲痼辟火

用奇桂蘭

百名家全集

丹木王膏

丹木焯焯沛々玉膏黃軒是服遂攀龍豪眇然升遐
遐下烏號

檉木

檉之為木厥形似楸若能長服拔樹排山力則有之
壽則宜然

桃枝

潘冢美竹厥號桃枝叢薄幽藹從容鬱猗簞以安寢
杖以扶危

榲木

榲惟靈樹爰生如木重根增駕流光旁燭食之靈化
榮名仙錄

服常琅玕樹

服常琅玕崑山奇樹丹實珠離祿葉碧布三頭是伺
遮望遮顧

栢木

爰有嘉樹厥名曰栢薄言年之幼寵是服君子維歡
家無反目

帝休

帝休之樹厥枝交對竦本少室曾陰雲霽君子服之
匪怒伊愛

文王玕琪樹

文王玕琪方以類叢翠葉猗萋丹柯玲瓏玉光爭煥
彩豔火龍

橘櫟

厥苞橘櫟奇者維甘朱實金鮮葉蓓翠藍靈均是詠
以為美談

建木

爰有建木黃實紫柯皮如蛇纓葉有素羅絕蔭弱水

義人則過

尋木

眇眇尋木生于河邊疎枝千里上于雲天垂陰四極
下蓋虞淵

三珠樹

三株所生素水之際翹葉栢疎美壯若彗濯彩丹波
自相霞映

松

謝惠連

松惟靈木擬心雲端跡絕王除形寄青巒子歆我知
求之歲寒 藝文類聚

盤松

天錫瑞木得自欽岑枝蟠數萬幹不倍尋怒騰雲勢
靜奏琴音凌寒鬱茂當暑陰森封以腴壤通以碧澗
越千萬年以慰我心 百川學海

怪松圖

陸龜蒙

松生陰溢巖窟穴械病字不快卒以為怪擁腫支離
神羞鬼疑道人嗟咨援筆傳奇或怪其形或奇于辭
自為怪魁是以贊之 笠澤叢書

偃松屏

蘇軾

嶺南趙北大茂之麓天僵雪峰地裂冰谷凜然孤清

不能無生生此偉奇北方之精蒼皮玉骨磽_々鑿_々
方春不知冱寒秀發孺子介剛從我炎荒霜中之英
以洗我瘴 東坡文集

義松

洪川西山翊真觀

黃庭堅

西山之松有歲寒之質懷其同氣耶既分矣復合而
為一泫露雲雨老大霜雪匠石輟斤樵夫歎息人之
同氣本末遠宰上之杞蔽蒂成陰有其干戈日尋
余不知其何心 山谷集

松竹

戴逵

猗歟松竹獨蔚山臯肅_々脩竿_々森長脩 藝文類聚

竹

謝莊

瞻彼中唐綠竹猗猗負而不介弱而不虧杳裊人圃
蕭瑟雲崖推名楚潭美質梁池

戒壇院文與可畫墨竹

蘇軾

風梢雨籜上傲水電霜根雪筋下貫金鐵誰為此君
與可姓文惟其有之是以好之 東坡文集

石室先生畫竹

先生間居獨笑不已問安所笑笑我非爾物之相物
我爾一也先生之笑笑所笑者笑笑之餘以竹祭妙

竹亦得風天然而笑

畫墨竹

黃庭堅

人有歲寒心乃有歲寒節何能貌不枯虚心聽霜雪

山谷集

東坡畫竹

孤生危苦播揚風雨歲不我與誓將尋斧剗心達節
萬籟中發黃鍾同律偉哉造物

甘橘

王升之

筓重履險操貴有恒二樹保榮四運齊能在質惟美
干味斯弘異分南域北則枳橙 藝文類聚

梨花

宋孝武帝

沃瘠異壤舒慘殊時惟氣在春具物合滋嘉樹之生
干彼山基同榮布采不離塵緇

唐類函

梔子

顏測

濯雨時摘素當颺獨含芬豐榮殊未絕銷落竟何聞

藝文類聚

竹柀

宋祁

葉與竹類緻理如柏以狀得名亭、修直

佩文韻府

柀

碧葉素葩厥包之珍丹裏既披香液飴津

老梅屏

洪适

崢嶸突兀茹鐵為骨凜然水姿氣壓群木近似則然
孰知其真儲萬斛香先天下春

事文類聚

文與可枯木

蘇軾

怪木在廷枯柯北走窮猿投壁驚雀入牖居者蒲氏
畫者文叟贊者蘇子觀者如流

東坡文集

柔

楊萬里

其葉可溫其貢可飡其幹可薪其菜可根有禪字人
無愛乎身墨氏之仁

楊誠齋集

聖檜

米芾

煒東皇養白日御元氣昭道一動化機此檜植矯龍
怪挺雄質二十年敵金石紕治亂如一夕百代下蔭
圭壁 闕里誌

靈峰寺植木

劉基

杏葉葱芊有子可以實蓮松枝扶疎有苓可以引年
樸狀如樛矣蠹所穿擁腫液瞞不可以鐫胡並植于
庭混厥醜妍明堂求材般趨爾先松成杏割樸獨完
然嗚呼樸乎孰女之憐惟女之全柳棄于人乃獲乎天
耶 文翰大成

畫梅

方孝孺

玉質水姿不汙緘塵破顏一笑萬物皆春我思若人
潛溪之上見者凜然如對公像 遜志齋文集

畫木石

黃庭堅

小山叢竹到天古木石下有人定是山谷 山谷別集

[Faint bleed-through text from the reverse side of the page]

動物部

鳳

郭璞

鳳皇靈鳥實冠羽群八象其體五德其文附翼來儀

應我聖君 唐類函

青鳥

山名三危青鳥所憩往來崑崙王母是隸穆王西征
旋轉斯地

鶴

庾信

九臯遙集三山迴
歸華亭別淚洛浦仙飛不妨離繳
先遭合圍籠推月羽弋碎霜衣塞傳餘號
關承舊名南遊湘水東入遼城雲飛欲舞
露落先鳴六翮摧折九關嚴閉相顧哀鳴
肝心斷絕松上長悲琴中永別

李白

高堂閑軒分維聰
訟而不擾圖蓬山之奇禽想瀛海之縹緲
紫頂煙絕丹眸星皎昂々佇昭霍若驚矯
形留座隅勢出天表謂長鳴於風霄終寂
立於露曉疑

翫益古俯察愈妍
舞疑傾市聽似聞絃
僮感至精以神變可弄影以浮煙

倦鶴

黃庭堅

偉萬里之仙驥
斑九關而天翱亦倦飛而歸止矧人生之嗟勞
饑食北山之薇
巖寒緝江南之落毛
安能作河中之杼木
寧為籬落之繫匏

山谷集

鸞鳥

郭璞

鸞翔女牀鳳出丹穴
拊翼相和以應聖哲
擊石靡詠韶音其絕

百名家全集

鳩鳥

蝮維毒魁鳩鳥是嗽拂翼鳴林草瘁木慘羽行隱戮
厥罰難犯

滅蒙鳥大運山雄常樹

青質赤尾號曰滅蒙大運之山百仞三重雄常之樹
應德而通

鳩鳥

鳩鳥似鳧翠羽朱目既麗其形亦奇其肉婦女是食
子孫繁育

狗鴉

狗鴉貪恠其目在腋食人未盡還自齧割圖形妙鼎

是謂不若

畢方

畢方赤文離精是炳旱則高翔鼓翼陽景集乃流災
火不炎正

鳩鵲黃鳥

鳩鵲之鳥食之不飽爰有黃鳥其鳴自叫婦人是服
矯情易操

酸與

景山有鳥稟秋殊類厥狀如蛇脚二翼四見則邑恐
食之不醉

鷓鴣渠赤鷺鳥文莖木鷓鴣鳥

鷓鴣渠已殃赤鷺辟火文莖愈聾是則嘉果鷓亦衛災
厥形惟麼

鷓鴣鳥

毛如雌雉朋翔群下飛則籠目集則蔽野肉驗鍼石
不勞補寫

蠻蠻

比翼之鳥似鳧青赤雖云一形氣同體隔延頸離鳥
翻飛合翮

嬰勺

支離之山有鳥似鵲白身赤眼厥尾如勺維彼有斗
不可以酌

當扈

鳥飛以翼當扈則鬚瘞多任少沛然有餘輪運於轂
至用在無

鷓居

鷓居如鳥青身黃足食之不饑可以辟穀內厥唯珍
配彼丹木

鷓鳥鷓鳥

有鳥青黃號曰鷓鷓與妖會合所集會至類則梟鷓

厥狀難媚

吉良

金精朱鬣龍行駿跨拾節鴻驚塵不及起是謂吉黃
釋聖牖里

鵝鳥

彗星橫天鯨魚死浪鵝鳴於邑賢士見放厥理至微
言之無况

鍾山之子鼓欽鵝

欽鵝及鼓是殺祖江帝乃戮之崑崙之東二子皆化
矯翼亦同

鸞鵠

禦賜之鳥厥名鸞鵠昏明是互晝隱夜覲物貴應用
安事鸞鵠

翠

翠雀鷓鴣越在南海羽不供用肉不足宰懷璧其罪
賈害以來

事文類聚

燕

燕々千飛瑞蛾以卯玄玉爰發聖敬日遠商人是頌
詠之弦管

唐類函

鵠

鷓之為鳥同群相為疇類被侵雖死不避毛飾武士
兼厲以義

精衛

炎帝之女化為精衛沈形東海靈爽西邁乃銜木石
以填攸害

山海經圖

鸚鵡慧鳥棲林啄藁四指中分行則以觜自貽伊寵
見幽坐伎

大鵬

阮脩

蒼蒼大鵬誕自化溟假精靈鱗神化
以生如雲之翼如山之形海蓮水擊
扶搖上征翕然層舉背負太清志存
天地不屑雷霆鸞鳩仰笑尺鷃所輕
超世高逝莫知其精

長鳴雞

湛方生

精心妙覺獨曉冥々風雨如晦不憊其鳴

正且春雞

劉孝威

寶雞陳倉祠光長神雄飛帝
漢雌飛霸秦排膺激怒礪翅
張慎電鞭失焰雷車折輪助
標魏教擅場齊珍名流晉戟
歌傳漢臣竊脂善盜搏穀難
馴綠鸚智淺蒼鷹害深蒹安
五德歸于翰音

壁畫蒼鷹

李白

突兀枯樹傍無寸枝上有蒼鷹獨立若愁胡之攢眉
凝金天之殺氣凜粉壁之雄姿紫銛劍戟爪握刀錐

群賓失席以睥眄未悟丹青之所為吾嘗恐出戶牖
以飛去何意終身而在斯

李太白文集

雙白鷹

蘇題

鷹之大者精明竦峻勁而橫絕雄則遠振錦文素綵
珠聯玉潤往乃奮威將軍所徇鷹之次者勇銳光芒
截海而至乘風載揚絡以紅點文其綵章下鞞必中
惟吏之良

古文鴻藻

畫鵬

白居易

鵞禽之英黑鵬丁丁鉤綴八爪劔插六翎想入心匠
寫從筆精不卯不鷁一日而成軒然將飛晏然欲鷹

毛動骨活神來著形始知造物不必宵冥但獲天機
則與化爭韓幹之馬籍々知名薛稷之鶴翩翩有聲
研工覈能較真鬪靈豈無他人不知我兄 唐文粹

麟

郭璞

麟惟靈獸與麀同體智在隱蹤仁表不抵孰為來哉
宣尼揮涕 唐類函

麟趾

黃庭堅

麟有趾而不踈仁哉麟哉有足而不抵仁哉麟哉有
角而不觸仁哉麟哉今之人一朝之忿以觸人滅身
辱親嗚呼人中有獸獸中有人 事文類聚

騶虞

郭璞

怪獸吾采尾參於身矯足千里儵忽若神是謂騶虞
詩歎其仁 唐類函

同上

白居易

孟山有獸人心毛質不踐生芻不食生物有道則見
非時不出三季以還退藏于密我聞其名徵之於書
不識其形得之於圖白質黑文猊首虎軀是耶非耶
孰知之乎已矣夫已矣夫前不見其往者後不見其
來者于嗟乎騶虞

張少公廳畫御猛

李白

張公之堂華壁照雪獅猛在圖雄姿奮發森竦眉目
颯灑毛骨鋸牙銜霜鉤爪抱月掣蹲胡以震怒謂大
厦之岷岷永觀厥容神駭不歇

李太白文集

樊少府廳師子

高適

百獸至猛莫如師子糾眼星懸赤毛焰起銅爪鐵申
鋸牙鑿齒顧犀象則百隊山踰者熊羆則千群野死
以此言威威不知矣仙尉樊公寫象圖中崑崙却掉
而屋壁欲動虎豹膽怯而訟庭已空稜々兮隔簾飛
霜颯々兮滿院風生於是乎師子為百獸之長遂識
樊公為百夫之雄

事文類聚

題畫獅子

蘇軾

圓其口仰其鼻奮鬣吐舌威其齒舞其足前其耳左
顧右盼喜見尾

佩文韻府

白狡視圖

文與可

肩尻抗衡鬣尾蓬勃口哆舌掉耳衝目突竄海鉞蛟
捎空碎鵠虎豹飲髓犀象嘔骨肺胃鬱榻不敢前掉
忽時驚奔天出地沒有皓然者來何歲月陸生探微
寫以奇筆筋緊肉怒常憂竊發後人傳摹粗得鬣鬣
有容好事遠以書達掛之高堂氣象嵩崑每至昏夜
鬼神窻窻瞥然觀之寒聳毛髮世有此類其勇莫越

為之贊云大愧辱訥

丹淵集

白虎

郭璞

魁魁之虎仁而有猛其質載皓其文載炳應德而擾
止我交境 百名家全集

射虎圖

李翰

憬彼山戎噬我封略有群者虎載肆騰搏邊眈懍懍
若崩其角將軍出塞屏黠車騎進馬前當挺身以餌
威有所服精有所祭氣全以雄力果而取震驚矍々
虎反如鼠威武桓々人反如虎勁弓雷霹長矢電激
中口穿胸貫心洞腋視如空皮割若破的應祭連斃

紛紜枕藉據鞍遙叱揮箠逆擊閉目沈冥喪精僻易
三軍駭呼萬靈動鼻海波為騰塞州皆赤卞莊俟鬪
方聞兩獲漢將如飛幾為所扼將軍神勇冠世超昔
號猿未工飲羽非敵弧矢之設以威四方群虎既夷
狄人來降收圍罷高山川以寧至今北荒猶畏其靈

古文奇賞

伏虎畫

徐渭

我觀伏虎曲蟠以枕諸繪耽視茲獨以寢秘威如待
不覺愈猛裴旻過之應午弓落李廣夜行蓋冰以却

徐文長文集

兕

郭璞

兕惟壯獸似牛青黑力無不傾自焚以草皮充武備
角助文德 唐類函

犀

犀之為狀形兼牛豕力無不傾吻無不靡以賄嬰從
因牛角椅

同

犀頭如猪形兼牛質角則併三分身互出鼓鼻生風
壯氣溢溢 百名家全集

象

象之為獸形骸特詭身倍數牛目不踰豨鼻為口從
望頭若尾馴良承教聽言則跪素牙玉潔載籍所美
服重致遠行如丘徒 事文類聚

同

象實魁梧體巨貌詭肉兼十牛目不踰豕望頭如尾
動若丘徒 初學記

大象圖

虞集

有偉馴象貢自南域脩葺鑄錫路車是服維皇在輿
游目式任重持安眈力知德燕間以思寫之几格天
章龍文臻妙造極嗟爾微勞尚軫宸臆師武臣能有

不察識若稽包犧受圖布畫遠取不遺以啓神易擬
茲形容克配古昔臣用述贊與世作則 天翰大成

乘黃

郭璞

飛黃奇駿乘之難老瑞角輕騰忽若龍矯實鑿有德
乃集厥阜 百名家全集

騶駼

騶駼野駿產自北域交頸相摩分背翹陸雖有孫陽
終不能服

水馬

馬寔龍精爰出水類渥渥之駿是靈是瑞昔在夏后

亦有何駟

天馬

龍馬雲遊騰蛇假霧未若天馬自然凌翥有理懸運
天機潛御

馬

馬出明精祖自天駟十間六種各自名類三才五御
駕駿異轡

秦穆公馬

庾信

駿馬遇盜秦君不瞋先傾美酒翻裊傷人隣兵向國
窮寇侵秦干時大盜還作功臣 唐類函

六馬圖

月精按轡天駟橫行弧矢載戢氛埃廓清

古文奇賞

灑澗未靜斧鉞伸威朱汗騁足青旌凱歸

倚天長劍追風駿足聳轡平隴回鞍定蜀

應策騰空承聲半漢入險推敵棄危濟難

紫鸞趙躍骨騰神駿氣警三川咸凌八陣

足輕雪影神笄天機策茲飛練定戎戎衣

畫馬

杜甫

韓幹畫馬毫端有神驎騮老大驄
皇清新魚目瘦脰龍文長身雪垂白
肉風蹙鬃筋逸態蕭疎高驥縱恣

四蹄雷電一日天池御者闲敏云何難易愚夫乘騎

動心顛躓瞻彼駿骨實惟龍媒漢歌燕市已矣茫哉

但見駑駘紛然往來良工惆悵落筆雄才杜少陵全集

九馬

姚宋廟堂李郭治兵帝下毛龍以馭群英丹鉛餘錄

馬

柳子厚

明皇得異馬龍鱗虺尾拳毛環目肉鬣帝西幸馬至

咸陽西入渭水不知所終佩文韻府

龍馬圖

靈和粹異孕至神兮保尾童鬣疏紫鱗兮巍然特出

瑞聖人兮理平和樂百樂陳兮鳴鑾在御太路遵兮
世瘥道悖還吾真兮哀鳴延首慕水濱兮沛馬潛泳
旋瀟淪兮淵居海逝靈無鄰兮出處孔時類至仁兮
嗟爾衆類孰是倫兮進昏死亂沾厥身兮匪馬之慕
吾誰親兮贊之斯圖宜世珍兮格古要論

龍馬

宋濂

天駟熒蛟龍升靈泓澄神馬生祥飈瑞靄晝杳冥天
一翕聚通精靈龍胡盈鳧臆輕竹披耳鏡懸晴花雪
捲毛光照夜汗溝有血霞流頰振鬣鳴萬馬驚閃流
電逐飛星九霄彷彿從龍行但聞滿々風雨聲三川

平八極寧真龍媒獻龍廷出入天門駕龍軒太霞五
彩蒲瑤京皇風清皇道貞皇威明茫々堪輿內孰敢
不來庭陋彼漢將軍空圍戡師城乃知天子在樹德
不必連年徒用兵

宋學士文集

九馬

蘇軾

牧者萬歲繪者惟霸甫為誦偉哉九馬姚宋廟堂李
郭治兵帝下毛龍以馭群英我思用元今為幾日筋骨
應圖至三萬足何寂寥跬步山川負監挽磨淚濕九
泉北牡驪黃自以為至駸其一毛棄我千里號齧是
棄脂蠟其鞭道阻且長喟其永歎

宋文鑑

三馬圖

吁鬼章也悍驕奔貳師走嫫姚今在廷服虎貂效天
驥立內朝八尺龍神超遙苦將西燕西瑤帝念民乃
下招雨歸雲逝房妖

韓幹畫馬

韓幹之馬四其一在陸驤首奮鬣若有所望頓足而
長鳴其一欲涉尻高首下擇所由濟跼踖而未成其
二在水前者及顧若以鼻語後者不應欲飲而留行
以為厩馬也則前無羈絡後無箠策以為野馬也則
隅目聳耳豐臆細尾皆中度程蕭然如賢大夫貴公

子相與解帶脫帽臨水而濯纓遂欲高舉遠引友麋
鹿而終天年則不可得矣蓋優哉游哉聊以卒歲而

無營

東坡文集

李潭六馬圖

六馬異態以似為妍畫師何從得所以然相彼癢者
拳脣見咽方其癢時槁木萬錢絡以金玉非馬所使
烏乎各適其適以全吾吳乎

李伯時所畫沐猴馬

吾觀沐猴以馬為戲至使此馬竊銜詭轡沐猴宜馬
真虛言爾

畫馬

黃庭堅

御與馬相得維予止作萬里不目一字復士志於學則
亦無息以師友為轡策及其至馬維爾力山谷集

唐太宗奉毛駒圖

明高皇帝

繫翻墨雲合裂神樞霆飛電掣突霧衝煙眠霜卧雪
折旋擒侮力健無竭追風何及駉駉豈與並列快哉
神蛟唐君心悅御製文集

八駿

王世貞

維昔樞生元愷是降周有文孫改即田功帝收其精
以歸房宮下生八挺為八毛龍權奇蘭筋鬚鬣肉駿

萬耳聳立以聽嘶風造父御王鹵苗折衝副車之乘
爰命河宗參伯執鞭厥右奔戎倏忽滅沒電追豐隆
七萃凝策杳莫敢踪遂涉崑崙載勝之邦飲血彌奴
歸觴逢公鼓其餘駿立埽徐焯後三千年帝日再中
放爾鼓車野秣於豐道碩作圖矯若虬虹嗣彼新息
薦式於銅僕臣司藩敢弗告共弇州四部稿

馬圖

方孝孺

麒麟騶虞貴不可羈強加銜轡於馬為疵世人不察
以此為美飾之金玉非馬所喜嗟此三駿乃馬之龍
棄違天罔追雲踉風群飲於江江水欲竭仰天大鳴

氣薄日月伯樂視之振鬣奔馳况肯俯首駕君鼓車
龍性難馴暫與馬伍霹靂上天兩水九土遜志齋文集

駁

郭璞

駁惟馬類實畜之英驤首騰尾噓天雷鳴氣無不凌

吞虎辟兵唐類函

橐駝

駝惟奇畜肉鞍是被迅驚流沙頭功絕地潛識泉源

微乎具智初學記

萬里同

馬出明精祖自天駟十閑六種各有名類三才五御

駑駿異轡唐類函

天狗

乾麻不長天狗不大厥質雖小禳災除害氣之相王

在平食帶百家全集

比肩獸

螿與岨虛乍鬼乍鼠長短相濟彼我俱舉有若自然
同心共膂

蛭

蛭則災獸踣踵厲深會所經步竭水槁林宣氣自然

體此殃淫

患

有獸無口其名曰患害氣不入厥體無向至理之盡
出乎自然

鱗鱗魚從從獸蜚氣

魚號鱗々如牛虎駘從々之狀似狗六脚蜚鼠如雞
見則旱涸

鬮非據比尸秣戎

人面獸身是謂鬮非被髮折頸據比之尸戎三其角
秣豎其眉

獬豸獸也獬豸獸也

獬々如狐有翼不飛九尾虎爪號曰蠶蚩契鈎似鳧
見則民悲

梟陽

鬚々怪獸被髮操竹獲人則笑唇蔽其目終亦號吽
反為我戮

御罔駢馬獨裕

有獸如豹厥文惟禱罔善躍嶮駢馬一角虎狀馬尾
號曰獨裕

類

類之為獸一體兼二近取諸身用不假畧窈窕是佩
不知妬忌

傳詭

傳詭似羊眼反在背視之則奇推之無怪若欲不恐
厥皮可佩

橐鼈

有似人面一脚孤立性與時反冬出夏蟄帶其羽毛
迅雷不入

杜衡

杜衡走馬理固須因體亦有假足駿在感

安事御者

夔牛

西南巨牛出自江岷體若垂雲肉盈千鈞雖有逸力
難以揮輪

獐

有獸虎爪厥號曰獐好自跳撲鼓甲振奮若食其肉
不覺風迅

山膏獸黃棘

山膏如豚厥性好罵黃棘是食非子非化雖無貞操
理同不嫁

櫻如

櫻如之獸鹿狀四角馬足人牛具尾則白貌兼三影攀木緣石

筱筱

治在得賢亡由失人筱筱之來乃致狡賓歸之冥應誰見其津

合窳

豬身人面號曰合窳厥性貪殘物為不咀至陰之精見則水雨

朱孺

朱孺無竒見則邑駭通感靡誠維數所在因事而作未始無待

狢狢

蚌則含珠獸何不可狢狢如豚被褐懷禍患難無繇招之自我

狢狢

狢狢之狀形乍如犬厥性識往為物警辨以酒招災自始纓冒

同

狢狢似猴走立行伏權水挺力少辛明目蜚廉迅足

豈食斯肉

孟槐

孟槐似貍其豪則赤列象畏獸凶邪是辟氣之相勝
莫見其迹

驪獸

驪獸四角馬尾有距涉歷歸山騰峻躍坦厥貌惟奇
如是旋舞

旄牛

牛充兵機兼之者旄冠于旌鼓為軍之標匪肉致災
亦毛之招

山獬之獸見人歡譴厥性善投行如矢激是惟氣精

出則風作

謹一作唬

耳鼠

躡實以足排虛以羽翹尾翻飛奇哉耳鼠厥皮惟良
百毒是禦

雖

寓屬之才莫過于雖而則自懸塞鼻以尾厥形雖隨
列象宗彙

冥竈

竇竄無罪見害貳負帝命群巫操藥夾守遂淪溺淵
變為龍首

猾褻

猾褻之獸見則興役膺政而出匪亂不適天下有道
幽形匿跡

狎

章莪之山奇怪所宅有獸似豹厥色惟赤五尾一角
鳴如擊石

聞明

聞明天獸稟茲食精虎身人面表此桀取瞪視崑山

威懼百靈

幽頰

幽頰似猴俾愚作智觸物則笑見人佯睡好用小慧
終是嬰繫

鹿蜀

鹿蜀之獸馬質虎文攘此吟鳴矯足騰群佩其皮毛
子孫如雲

他狼雍和猴獸

他狼之出兵不外擊雍和作恐猴乃流疫同惡殊災氣各有過

羊

月氏之羊其類在野厥高六尺尾亦如馬何以審之事見爾雅

九尾狐

青丘奇獸九尾之狐有首翔見出則銜書作瑞周文以標靈符 初學記

封豕

有物貪婪號曰封豕為食無厭肆其殘毀翠乃飲羽獻帝效技 唐類函

豪彘

剛鬣之族號曰豪彘毛如撥錐中有激矢厥體兼資自為牝牡

長右彘

長右四耳厥狀如猴實為水祥見則橫流彘虎其身厥尾如牛 佩文韻府

貔貅

書稱猛士如虎如貔蓋豹屬亦曰執夷白狐之云似是而非 唐類函

白狼

矯矯白狼有道則遊應符變質乃銜靈鈞惟德是適出殷見周

白猿

白猿肆巧由基撫弓應眇而號神有先中教如循環
其妙無窮

鼯鼠

有鼠豹采厥號為鼯漢朝莫知郎中能名賞以東帛
雅業遂盛

鼯鼠

鼯之為鼠食煙棲林載飛載乳乍獸乍禽皮藉孕婦
人為大任

鼯鼠

小鼠曰鼯實有螫毒乃食郊牛不恭是告厥譴惟明

微乎其覺

鼯鼠

五能之鼠伎無所執應氣而化翻飛鴛集詩人歌之
無食我粒

飛鼠

或以尾翔或以髯凌飛鳴鼓翰儵然皆騰用無常所
唯神斯憑

猩

能言之獸是謂猩、厥狀似猴號音若嬰自然知往
頗識物情

犴狢

犴狢之獸見人佯眠與突勵氣出則無年此豈能為
歸之于天 佩文韻府

群厭青牛

劉孝威

泰山怒特吳渚神牛氣噓風噴精
迴電流詎牽和鞅不入裴鞅
按力難京肆怒橫行朗陵瑩
角介葛占聲遁仙託稱妖寇馮
名名震八區威陵五都蓄勇槽側

息憤場隅仇覽歎豆滕嬰進芻雄兒楷式悍士規模
曹興拂采徐邈成圖

貌

白居易

邈哉奇獸生于南國其名曰貌非鐵不食昔在上古
人心忠質征伐教令自天子出劔戟省用銅鐵羨溢
貌當是時飽食終日三代以降王法不一鏢鐵為兵
範銅為佛佛像日益兵刃日滋何山不剗何谷不隨
銖銅十鐵固有了遺悲哉彼貌無乃餒而嗚呼匪貌
之悲惟時之悲 唐文粹

貓相乳

陳造

狸其質人其識匪狸之識繫人其德二狸七雛彼出此居居則乳之其七一如惟子龔子賢譽所萃和氣有格爰及殊類人苟友悌大可致書家或仁孝鵲馴于徐彼乃謂小人絕望君子而獷戾不可以為遜順即今推之吾敢信耶

江湖長翁文集

畫牧牛

黃庭堅

鼻之柔也以繩牧之心之柔也以道牧之縱而不蹊人之田其惟早服之

山谷集

易生畫獐猿猴

穴居木處相安以飲食生渴饑愛憎無師而自能其

皮之美也自立辟其肉之肴也故多兵風林露齧伐木丁々雄雌同聲吞之遠而猶鳴彼其不同臭味故眴目而相驚惟蟲能蟲能天余是以觀萬物之情

螳螂

郭璞

螳螂飛虫揮斧奮臂當輒不迴句踐是避勇士致斃厲之以義

唐類函

同

蟲之精潔可貴惟蟬潛蛻棄穢飲露恒鮮萬物皆犯人胡不然

尺蠖

貴者可賤賤有可珍嗟茲尺蠖體此屈伸論配龍蛇
見歎聖人

螢火

熠燿宵行蟲之微么出自腐草煙若散漂物之相煦
孰知其陶

蟬

昭明太子

茲蟲清潔惟露是餐寂寞秋序咽嘶夏圃定伊不美
曜彼華冠

蚯蚓

蚯蚓土精無心之蟲交不以分淫於阜冬蛰觸而感物
乃無常雄淵鑑類函

山蟪

楊慎

嶺表蟪蛄是曰山龜人立其背可負而馳木楔其肉
聲吼如牛巧匠琢之以為梳篦楊升菴外集

題崇德君所畫雀竹蝴蝶圖

黃庭堅

蒿下蹄间斤鷓飲咏單雄穹拔竿網將作蟬嚙竹间
自得已謂塘蟪從之雞鳴不已山谷別集

鯨

楊慎

海有魚王是名為鯨噴沫兩注鼓浪雷驚目作明月
精為彗星 楊升菴外集

同

東海大魚鯨鯢之屬大則如山其次如屋時死岸上
身長丈六膏流九頃骨充棟木明月之珠乃是其目

同

嗟海大魚蕩而失水螻蟻制之橫岸以死輜重君海
不可以徒策士之談譬具有理

龍魚

龍魚一角似鯉居陵候時而出神聖攸乘飛鷲九域
騎龍上升

同

龍魚之川在沂之瑗河圖授義寔此出焉神行九野
如馬行天

比目魚

郭璞

比目之鱗別號王餘雖有二片其實一魚協不能密
離不為疏 唐類函

同

楊慎

東海比目不比不行兩片得立合體相生如鞋屨鱗寔其名

楊升菴外集

王餘

王餘孤遊比目雙逝水既有之陸亦相灑單鵝匹鴛性亦相似

鯨魚

郭璞

見則邑穰厥名曰鯨經營二海矯翼困霄唯味之奇

見歎伊庖 佩文韻府

鮫魚

魚之別屬厥號曰鮫珠皮毒尾匪鱗匪毛可以錯角

兼飾劔刀 百家全集

飛魚

飛魚如豚赤文無羽服之不雷可以禦兵

同

楊慎

飛魚身圓長丈餘登雲游波形如鮒翼如胡蟬翔泳

俱仙人寧封曾餌諸著藻灼燂千載舒 楊升菴外集

鳥魚

鳥魚戴星禁在仙經鯢鮓鱧蠹紛其別称其膽獨耳以是為徵

海牛

海岸魚皮潮信可卜潮至毛張潮退則伏刻一字押簾
招風斯速

石鱧

楊雄蜀都賦石鱧水螭石鱧石魚也如石燕石蟹之
類

鱖魚

吳楚鱖魚其文如劉薦以上脊美而多
刺

鱉魚

鱉一名鱉喙銳大腹長齒羅生上下相覆音混於鱖

而不同物

弓魚

西洱弓魚三寸其修誰書以公音是字謬又晒多子
亦孔之羞

蒲魚

蜀有蒲魚其形如粥出於郫縣蒲村之麓

洞魚

河豚藥人時魚多骨兼此二美而無兩毒粉紅雪白
洄美堪錄西施乳浦水羊胛熟

石首化鳧

南有魚鳧國古蜀帝所都婁縣石首魚至秋化為鳧
魚鳧之名義泝此可求諸

石首魚石在頭瑩白如玉可植酒籌

仙人上藥劉淵瓊魚昔西王母漢武受圖銀刀尾
今乃其餘

石桂魚天仙所餌猶有桂名鱖借音兩流水桃花
真隱詠美

魚之美者東海之鮓伊尹說湯水群首茲徒聞其名
而形未窺

鮓魚味爽可非朝醒左晉虞郎獻于帝庭其方俱在
食經可徵

時魚似魴厥味肥嫩品高江東價百鱸鮓界江而西
謂之瘟魚棄而不餌

鮓魚

黃帛其鮓石鼓夜鑄查頭縮項味珍襄川詞杯藻詠
名播錦牋

竹頭鯪魚

張揖廣雅櫛竹頭鯪滇池所饒亦名竹丁魚以為鮓
案酒薦馨

鯪鯪

鯪鯪逆流不過鎖江灘崩秬埽又隔巫陽魚官空設
玉板不嘗

青魚

江有青魚其色正青汭以為鮓曰五侯鯖枕如琥珀

可以籠燈亦為冠弁以啟麗婷

鱸魚

鱸魚肉白如雪不腥東南佳味四腮獨稱金齋玉膾
擅美寧馨

赤鯪

務光憤世自投盧川盧川水伯赤鯪送旃易名琴高
化形而仙至今揚光清冷之淵

八魚異性色

鱣偃鯉脩鱧圓魴方鱠青鯪赤鰻白鱠黃

鯨魚

鯨魚兩肋大肉堪饜燕之粳米其骨亦軟號狗磕睡
謂無餘衍

鯊魚

鯊魚之味其美在額古咳有之價鬻世宅鱸腮沙刺
黃骨鯊脊南烹所珍百倍秦炙

鮫魚

吞舟之魚其名曰鮫背腹有刺如三角菱罟師畏之
網羅莫膺

同

魚之最巨曰海鯢兩舟行逢之不知幾里七日逢頭

九日逢尾產子仲春赤徧海冰

嘉魚

南有嘉魚出於丙穴黃河味魚嘉味相頡最宜為鮫
鬲以蕉葉不雨脂腴將滴火滅

鯤

鯤本魚子細如蠶葺莊周寓言鯤化為鵬譬彼詩頌
雕有桃蟲千古言詮誰奪其朦

魴鯉

伊洛魴鯉天下最美伊洛鯉魴貴于牛羊洛口黃魚

天下不如

招潮

蟹有招潮逆月而翹背向不先與潮相招蠹物有知云誰之教

鮑鮓鱸鯨

樂浪潘國魚之淵府異哉鮑魚鮓有兩乳鮓鱸鯨各以類聚漢獻大官叔重是取

鰻兒

鰻兒極眇僅若針鈎盈咫萬尾一筋千頭漁師取之不以網收末如陳雲壓幾沈舟各曰跳鮓厥義可求

鰻魚

土龍之屬苻莖苓根化而為鰻黃白異豐

鰻鱧

海鰻江鱧善攻岸碕又善升木水居畏之既命痾復裨牛肥驅蟲如掃茲功亦奇

王鮪

王鮪岫居科斗其面性最有毒獺所不噉人饒食之肥美盈噉

鮪魚

鮪魚偃額兩目上陳頭大尾小身滑無鱗或名曰鮪

粘滑是因

鰓魚

弊笥在梁其魚雅鰓其大盈車餌以豚豚鰓死以餌士死以貪

橫公魚

北荒石湖有橫公魚化而為人刺之不殊煮之不死游鑊育之烏梅廿七煮之乃熟

鱷魚

鱷似蜥蜴一卵百子或如白虺或成蒼兕喙餘三尺長尾利齒岸掉渴虎人肉為腓造化至仁胡乃有此

南海有魚其名為鱷其身已朽其齒三作

何羅魚

何羅之魚一身十首化而為鳥其名休舊竊糈于春傷頤在曰夜飛曳音聞春疾走

鱖魚

浮玉之山北望具區乃水出焉中多鱖魚胡蝶所化列蔓長須

鱧魚

潛有鱧魚飛有鱧鳥同是一物互為表裏鳥藏魚出變化莫曉

鮫魚

海有鮫魚衆魚蓐母魚欲生卵觸腹以首蛇醫雁奴物性固有

烏鰂魚

烏鰂八足集足在口縮喉在腹形類鞋囊其名烏鰂吸波溟墨遠射水慝

魚有烏賊狀如箕囊骨間有髻兩帶極長含水噴墨欲蓋反章

烏則之魚鷄鳥所變海若小史懷墨帶箕須與其足皆在眼畔風波稍急粘石為纜章舉石距同狀異面

食品所珍圖畫悉絢

含光魚

含光之魚臨海郡育南人鬻炙雖美而毒煎燻已乾耀夜如燭

鯢魚

鯢魚長咫大如竹竿爆之為燭光明有爛脊骨又美可作羹餐

戴星魚

戴星之魚背有星文點點均皦因之名云

丹魚

丹水丹魚出於南陽以夜伺之浮水有光夏^至十日其
期不爽取血塗足水上可行

望魚

明都滄澤望魚之沼形側如刀可以刈草

沙魚

沙魚二族胡沙白沙譽肖鮫魚其實稍差功入金匱

名易日華

勁鰈

南越勁鰈揚髻排流洞腹養子朝泳暮游脰入口出

貯水若抽鱗皮碎駁可飾蒯緱

鮫魚

天淵魚虎老化為鮫其皮朱文可飾弓刀

鮫之為魚其子既育驚必歸母還入其腹小則如之

大則不復

鰓魚

周成王時楊列獻鰓其皮有文出樂浪東漢神爵初

捕輸考工

郎君子鮓

郎君子鮓雄雌相雜置之醋孟遂巡便合下卵如粟

項刻甘州善治產難誕生如達

鱈魚

鱈惟妾魚厥形如瓜亦名為鯧同彼狹邪淫與相通
其味苦嘉

鱈魚

鱈形如帆與便面同厥足二六雌常負雄漁人取之
必得其雙子如麻子南醬是供

蘆鱈

蘆鱈之魚產蘆陵南俗以為醬海坻所耳

文魷

形如覆鉢包玉含珠有而不積池以尾同周與道會

可謂奇魚

海經駕鯨江賦文魷孕璆音磬鳥首魚尾出鳥鼠穴
禹貢攸紀

鯨鯢

魚有鯨鯢或名江豚欲風則涌恒隨浪翻

鯨鯢之魚出淮及五湖黃肥不可食大如百觔猪教
枚相隨沈浮自如

魚鱟

嘉列魚鱟載新厥名鱗一迎騰夫豈其甥其文實鱈
江圖可徵

鰓鰓

魚有鰓鰓一頭數尾有脚如蠶食之肥美

鰓魚

遼東浪水鰓狀如蝦無足長寸形如股又茲雖微蟲其味特佳

海月

海物正圓名曰海月指如搔頭有緣無骨海賦江圖藻詠豆祭

石斑魚

石斑蟻蟲虎文形蚓蠆螫鳥吐水邊呼引石斑即走

上岸合北其性既惡羹不可飲

鰓魚

鰓實四足而有魚名頭尾類鰓歧歧而行長生山澗出入沈浮云是懶婦恣慙自投

鰓鰓魚

鰓翻十運一翼翻翻厥鳴如鵠鱗在羽端

鰓

魚有名鰓亦號為鰓化而為人曾謁仲尼鬣鱗甲由也什之陳蔡之厄天濟聖饑

鰓魚

東方有魚其形如鯉其名爲鯨六足鳥尾鱗爲之母胎育厥子

琵琶

海魚無鱗形類琵琶一名樂魚其鳴亦嘉聞音出聰會識瓠巴

寬賊魚

郭璞

魚有寬賊絕短八足集足在口縮喙在腹

佩

文韻府

婢履奴僑

楊慎

魚有婢履亦有奴僑其名雙偶其形兩肖味皆堪噉出臨海嶠楊升庵外集

髮魚

髮魚帶髮形如婦人出於滇池肥白無鱗

鰾魚

郭璞

鰾之為狀半鳥半鱗形如雞鯉食之已疣

佩文韻

府

鰾

楊慎

緡調餌芳可獲鱖魚網魚得鱖不如噉茹或名曰鱖
其性慵如楊升菴外集

鱖

翠洛之鱖割以為鱖分芒析縷細亂鑿足

鯽魚

滇池鯽魚冬月可薦中舍腴白號水母線北客乍餐
以為麪纜

鮓

洞庭之鮓出於江岷弘腴青顱朱尾碧鱗

鱖鮓

清檢出佳鱖濁檢出好鮓美珍於常味取以
二月初

捕魚圖

蘇軾

苜秀水暖龜魚出戲怒蛙無朋寂寞鼓吹孰
謂臭樂強羸相屠去是哆口以完長須東

坡文集

陵龍

郭璞

陵龍之體黃身四足形短尾長有鱗無角南
越海人嘉羞見逐

楊升菴外集

燭龍

天缺西土龍銜大精氣為寒暑眼作昏明身長
千里可謂四靈

唐類函

何了翁帳龍

文天祥

淵蟄其直雲祭其神為道不泥遇止兼行是為龍
之靈是何君之所以名

文文山集

龔知縣龍

龍猶有欲垂頤就養孰知吾龍頭角霄漢舜卿之
筆子輝之德往來清風霖雨八極

程縣丞龍

蟄於滄洲躐於海垠恫四域之焦枯遽奮爪而張
鱗固將神變化水下土豈直嗔哇噪蟹役於形
氣也邪

神龍添靈

明高皇帝

天性自誠龍種果靈穩淵不妄有命必騰均調四時
常奏帝庭宛然雲生赫赫雷霆昆蟲被澤禾黍樂萌

功著大地上下相應驅巖洞蛟雲車於冥致揚而息
使渴而清咸則塞宇潛則無形神龍治水寰宇清寧
御製文集

壁間畫龍

潛則至神莫測升則雲從霧黑咸則充滿區宇快哉
一躍兩澤

赤龍

陽精之華髮被朱砂至神至靈火雲是駕蜿蜒太虛
而澤天下

烏龍

極陽之精陰由爾生電掣天外寰宇雷鳴撇鬣旗戟
倏忽晦冥大雨時行民庶咸寧

所翁九龍圖贊

起蟄龍

蟄於淵底陽回即起倏忽大虛墨雲見體

怒飛龍

蜿蜒其身翔海而吟似怒而飛鬣起遙岑

雄龍

至陽出蟄鬣舒赫烈顧陰而行遊天遂悅

雌龍

配陽至剛電掣上方飛雲逐隊時雨致霧

一 簸珠龍

既悅且翔玩珠海洋飛濤澆天變化愈昌

次 簸珠龍

舒海氣玩明珠墨雲無罅神化莫測收功天下

嬌龍

脫胎以蛻步雲以蛻必教而興利濟無邊

蒼龍

呼子而駕一吟一咤飛雲九霄雨澤天下

戲龍袞電

匿身不見瑞光赤練蛻軀一躍九天掣電

海龍圖

鍾陽之精居至陰之英海氣一噓步大而行

畫龍

觚其角蒼其鱗蚶蚪其身胡為乎而神至陽之精健

與天倫形而求之惡識其真吁嗟龍兮 文翰大成

長蛇

郭璞

長蛇百尋厥鬣如彘飛群走類靡不吞噬極物之惡

畫毒之厲 唐類函

騰蛇

騰蛇配龍因霧而躍雖欲升天雲罷陵畧材非所任
難以久託

巴蛇

象實巨獸有蛇吞之越出其骨三年為期厥大何如
屈生是疑

蟒蛇

蠢々萬生或以類長惟蛇之君是謂巨蟒小則數尋
大或百丈

枳首蛇

夔稱一足蛇則二首少不知無多不覺有雖資天然

無異駢拇

蛟

匪蛇匪龍鱗采嶂煥騰躍濤波蜿蜓江漢漢武飲羽
飲飛疊斷 楊升菴外集

龜

天生神物十朋之龜或游於天或游于莽雖云類殊
象一二歸疊々致用極教盡幾 初學記

同

李之儀

鮮介所宗壽無與京納錫以薦曳尾而行與其託之

干火骨孰若遂性以為生余私淑諸莊子蓋將卒歲
以沈冥 淵鎚類正

龜璧

郭璞

龜璧龜頭鼈身蝦尾斑似玳瑁漫無甲指贖飾局軸
細帙增美 楊升菴外集

鼈

鼈海貳名曰匣鼈形大如蓆出自沙啣一枚剖之
有三斛膏

水螭

鱈惟水龜浯陵是音其綠中文其甲堪卜馮夷所命
切和靈曲

係臂

係臂如龜生於海洲欲先捕之必祭必求而不信者
風波覆舟

蜃

蜃乃雉化氣成樓臺摩殼以轉始干姬部農耨從辰
文有自來

蚌

萬物變蛻其理无方雀雉之化含珠懷璫與月虧盈

脇氣晦望 初學記

同

蚌為鵲詠今日不出明日不出必有死鵲為蚌語
今日不雨明日不雨必有蚌脯兩國相爭不亡則頽
兩士相鬪兵仗其後不鬪不爭鵲蚌兩生 楊升菴外集

海蛤

海蛤魁陸瓦瓏鑲殼外眉內渠形摯渾朴

大蟹

女丑大蟹其廣千里舉螯為心身故在水海陽專車

曷云其比

車螯

海物惟錯車螯蛎蚌眉目內缺鑲殼外絨瓦礫何異
庖廚是堪

蠣房

海曲蠣房或名蠓山眉渠磊砢牡北異斑肉曰蠣黃
醇味海蠻

東海夫人

東海夫人淡菜有殼形錐不典而益惟笛求以象類
堪為二噉

蛇水母

形如羊胃假蝦為暗澄瀾挺質凝沫成形

江瑤柱

江瑤柱厥甲美肉柱膚寸名江瑤柱江瑤柱厥甲美
如瑤玉肉柱膚寸名江瑤柱

今之馬甲柱古曰玉珧厥名之珍海圖所標昔人賞
之謂美無涯取類南果以配荔枝

紫絃

蘭陵紫絃江淹紫器是惟蚌類奈華應春珠瑕錦蛤

玉盤同珍

推釵

蟹有推釵一螯偏大隨潮退殼隨退復裏刀能鬪虎
利甚戟判

倚望

蟹有倚望常起顧睨東西其形兩翹八跂望常如此
入穴乃止

沙狗

蟹有沙狗亦似彭蠡穿沙為穴見人則蟄曲徑易道
了不可得

彭蠡

爾雅彭蠡玄經郭索均為蟹謚蠃訖以越梁王醢化
茲乃臆說

石蛔蜂江蘆虎

蟹有石蛔蜂江蘆虎石殼鐵卵不中鼎俎好事取之
充畫圖譜

蠹

蠹式玉度蚌象寶文螺書蠹籀篆剛蟲珣取類斯大
稱名則豹何傷磊落無損賢毫

螺

香螺文賤錦蛤珠龜視雷用困與月盛衰明璣無脛

走于天涯

海鏡

海鏡殼圓中甚瑩臍腹有小蟹朝出暮至或生剖之
蟹子跂跂逡巡亦斃

海鏡蟹為腹水母蝦為目虛有感受羨補不足人固
有之無惑乎物

蚪子

楊慎

蚪為蚌屬文似瓦屋殼中有肉紫色滿腹從橫其理
五味具足蚪子蚌屬形如瓦筒橫從其理五味其克
又千歲蝙蝠化魁陸別名為蚪形似瓦屋尾瓏鑿殼

建瓴狀如渾沘錢文外眉而內渠

石决明

雙似蛤無鱗有殼一面附石細孔雜或七或八

鮓魚

郭璞

鼓翮一揮十翼翮翮厥鳴如鵲鱗在羽端是謂怪魚

食之辟燔

百家全集

螭龜

水圓四十潛源溢沛靈龜爰處掉尾養氣莊生是感

揮竿傲貴

三足龜

造物維均靡偏靡頗少不為短長不為多賁能三足何異龜鬣

神蟲園計蒙涉巖

涉巖三脚巖圓虎爪計蒙龍者獨稟異表升降風雨

茫渺

鱧

魚號曰鱧處不在水厥狀如牛鳥翼蛇尾隨時隱見倚半生死

鳥後鳥朱厭獸

鳥後朱厭見則有兵類異感同理不虛行推之自然

厥激難明

蛇巫山鬼神鉤大群帝臺大蜂朱蛾

蛇巫之山有人操杯鬼神鉤大主為妖災大蜂朱蛾
群帝之臺

纂雕瞿如烏虎蛟

纂雕有角麋若兒號瞿如三手厥狀似鷓魚身蛇尾
是謂虎蛇

寓鳥孟極足訾獸

鼠而傳翼厥聲如羊孟極似豹或倚無良見人則呼
號曰足訾

當康獸鰓魚

當康如豚見則歲穰鰓魚鳥翼飛乃流光以山殊應
或災或祥

梁渠移即聞鱗獸馭餘鳥

梁渠致兵移即起災馭餘辟火物谷有能聞鱗之見
大風乃來

天橋牛傷文獸騰魚

牛傷鎮氣天橋弭噎文獸如蜂枝尾反舌騰魚青班
處牙達元

竅竄諸懷獸鰓魚肥遺蛇

竅竄諸懷是則害人鰥之為狀羊鱗黑文肥遺之蛇
一頭兩身

辣辣罷九獸大蛇

辣辣似羊眼在耳後竅生尾上號曰罷九幽都之山
大蛇牛响

倭蟪

倭蟪蛇狀振翼灑光憑波騰逝出入江湘見則歲旱
是維火祥

諸捷獸白鷓竦斯鳥

諸捷善叱行則銜尾白鷓竦斯厥狀如雉見人則跳

頭文如繡

鱖魚

物以感應亦不教動壯士挺劍氣激白虹鱖魚潛淵
出則邑悚

珠鱖魚

澧水之鮮形如浮肺體兼三才以貨賈害厥用既多
何以自衛

鱖魚

陽鑿動日土蛇致宵微哉鱖魚食則不驕物在所感
其用無禱

旋龜人魚修辟

聲如破木號曰旋龜修辟似龜厥鳴如鴿人魚類歸
出干洛伊

芘魚薄魚

有魚十身蘼蕪其臭食之和體氣不下溜薄之躍淵
是維災候

視肉

聚肉有眼而無腸胃與彼馬勃頗相髣髴奇在不盡
食人薄味

獮獸鵲鷓鳥

鵲鷓三頭獮獸三尾俱禦不祥消止辟昧君子服之
不逢不韙

臞疏獸鵲鷓鳥何羅魚

厭火之獸厥名臞疏有鳥自化號曰鵲鷓一頭十身
何羅之魚

列姑射山大蟹陵魚

姑射之山寔栖神人大蟹千里亦有陵鱗曠哉溟海
含怪藏珍

鳴蛇化蛇

鳴化二蛇同類異狀拊翼俱遊騰波漂浪見則並災

或淫或元

居暨獸鴛鳥三柔

居暨豚鳴如橐赤毛四翼一目其名曰鴛三柔無枝
厥樹唯高

土螻獸欽原鳥

土螻食人四角似羊欽原類蜂大如鴛鴦觸物則斃
其銳難當

狸力獸鴛胡鳥

狸力鴛胡或飛或伏是惟土祥出興功築長城之役
同集秦域

窮奇獸羸魚孰湖獸

窮奇如牛蝟毛自表濛水之羸匪魚伊鳥孰湖之獸
見人則抱

肥遺蛇

肥遺為物與災合契鼓翼陽山以表九厲柔林既禱
倏忽潛逝

儵魚

涸和損平莫慘於憂詩詠萱草帶山則儵鱉焉遺位
聊以盤遊

晏胡精、獸鮎鮎魚

筭胡之狀似麋魚眼睛精如牛以尾自辨
鯨所潛厥深無限

獨粗獸麈雀

獨粗狡^獸麈雀惡鳥或狼其體或虎其爪安用甲兵擾之以道

自此山來蟲為蛇蛇號為魚

賤無定貢貴無常珍物不自物自物由人萬事皆然豈伊蛇鱗

黃蘗草肥遺鳥獸

浴疾之草厥子赭赤肥遺似鶉其肉已疫鴛獸長臂

為物好擲

鱒魚顯鳥

鷗鳥栖林縛魚處洲俱為旱徵災延普天測之無象厥數推玄

數斯鳥擊獸鷗鳥

數斯人脚厥狀似鷗擊獸大眼有鳥名鷗兩頭四足翔若合飛

江疑傲狎獸鷗鳥

江疑所居風雲是潛獸有傲狎毛如披簾鷗鳥一頭歛身則兼

堪行魚、獸

堪行、珠氣同占見則洪水天下昏墊豈伊妄降亦應牒識

鵠鵠象蛇鮪父魚

有鳥善驚名曰鵠鵠象蛇似雉自生于孫鮪父魚首厥體如豚

馬腹獸飛魚

馬腹之物人面似虎飛魚如豚赤文無羽食之避兵不畏雷鼓

祝荼草旋龜鵠鵠魚

祝荼嘉草食之不饑鳥首蛇尾其名旋龜鵠鵠六足三翅並翬

灌灌鳥鰐

厥聲如訶厥形如鳩佩之辨惑出自青丘赤鰐之物魚身人頭

歐絲野

女子鮫人體近蠶蚌吐珠匪甲吐絲匪蛹化出無方物豈有種

狙如

狙如微蟲厥體無害兄則興師兩陳交會

神魂變々髯遺魚

其音如吟一脚人面鼠身鼈頭厥號曰蠻目如馬耳
食厭妖變

讚菽卷之十四終

